

նախնական շրջանի բովերից անցել եւ ապա մտել են նախ պղնձի եւ ապա երկաթի դարի շրջանները: Սակայն շատ ցաւալի է, որ ժժ.րդ դարում անգամ գիտական խուզարկութեամբ ուսումնասիրութիւն չի կատարուել, ո՛չ գիտական արտադրութիւնների հետեւանքներից ստացուած հատակոտորներին դժուար է հաւատ ընծայել եւ որոշ եղրակացութիւնների հասնել, անժխտելի փաստեր ներկայացնելով:

Որ ձորոտի Աւազանում գոյութիւն է ունեցել մայր իշխանութիւն, աւելի երկար դարեր կանանց ձեռքումն է եղել գերիշխանութիւնը, ամագոնները սարսափեցրել են ծովահէններին, գետահէններին. սրանց առասպելների եւ արկածների հետքերը հասել է մինչեւ Հէլլէնների դիւցազանց դարը, Արգոնաւորդների շրջանը, այս յայտնի է պատմութեան: Մեծամօր-Անահիտի պաշտամունքը, նրա քաղաքական եւ զինուորական գերիշխանութիւնը աւելի երկար դարեր պահպանուել է ձորոտի Աւազանում. այդ մասին ճառում են առտնին պատմագրներից աւելի ընդարձակ կերպով երկրի տաճարներն ու բազիլիկները: Վիշապազանց (Ղրապաշտութեան) պաշտամունքը այստեղ եւս այնքան զօրեղ է եղել, ինչպէս Արարատեան աշխարհի, Սիսականի բարձունքներում, ուր գերիշխել է Մայր-Դիցուհին: Նոյն իսկ միջնադարում եւ Օսման-